

## Romanonan 8

Spiritu Santu ta duna bida

### 8.

1. Asina ku awó no tin kondenashon mas pa esnan, ku ta den Kristu-Hesus.
2. Pasobra e lei di Spiritu di bida den Kristu-Hesus a libra mi di lei di piká di morto.
3. Pasoba loke tabata inpusibel pa lei, komo pa karni é tabata sin forza, Dios, mandándo su yu den parsementu di karni di piká, a kondena piká den kárni;
4. Pa hustisia di lei wordu kumplí den nos, ku no ta kana segun karni ma segun Spiritu.
5. Pasoba esnan, ku ta segun karni, ta pensa den kosnan ku ta di karni; ma esnan, ku ta segun Spiritu den kosnan ku ta di Spiritu;
6. Pasoba sabiduria di karni ta morto; ma sabiduria di Spiritu ta bida y paz;
7. Pasobra sabiduria di karni ta enemistat kontra Dios; pasobra é no ta somet'e na lei di Dios; pasobra e no por tampoko;
8. Y esnan, ku ta segun karni, nan no ta un gustu pa Dios.
9. Ma boso no ta segun karni, ma segun Spiritu, alomenos si Spiritu di Dios ta biba den boso; y si hende no tin Spiritu di Kristu, é no ta di djé.
10. Ma si Kristu ta den boso, e kurpa , si ta morto pa kausa di pika; ma é Spiritu ta biba pa kausa di hustisia.
11. Y si e Spiritu di Esun, ku a lamta Hesus di morto ta biba den boso, E ku a lamta Kristu di morto, lo hasi tambe boso kurpa mortal biba pa medio di su Spiritu, ku ta biba den boso.
12. Asina anto, rumannan, nos ta debedó, no na karni, pa nos biba segun karni.
13. Pasoba si boso biba segun karni, boso lo muri; ma si boso mata e obranan di kurpa pa medio di Spiritu, boso lo biba.
14. Pasoba tur esnan, ku a wordu guiá pa Spiritu di Dios, eseinan ta yu di Dios.
15. Ma boso no a risibi Spiritu di sklabitut pa tin miedu atrobe; ma boso a risibi Spiritu pa wordu aseptá komo yu, pa kua nos ta sklama; Abba Tata!

16. E mes Spiritu aki ta duna testimonio huntu ku nos Spiritu, ku nos ta yu di Dios;
17. Y si nos ta yu, asina nos ta erederu tambe, erederu di Dios y koëderu ku Kristo; si nos anto padese huntu ku ne, pa huntu ku ne, nos wordu glorifika tambe.
18. Pasobra Mi ta bin na konklushon, ku e sufrimentu den e tempu aki no ta nifika nada na komparashon ku e gloria, ku lo wordu manifesta na nos.
19. Pasobra kriatura ta spera ku deseo ferviente e manifestashon di yunan di Dios;
20. Pasoba hende ta sometí na banidat, no ku su boluntad, ma pa kausa di esun ku a someté,
21. Ma ku speransa, ku e kriatura mes lo wordu hasi liber di sklabilitud di korupshon, pa e libertat di gloria di yunan di Dios.
22. Pasoba nos sabi, ku henter kreashon ta suspira huntu, y ta huntu tambe komo na doló di parto te awó.
23. Y no esaki so, ma nos mes, ku tin e prome fruta nan di Spiritu, nos mes tambe ta suspira den nos mes, sperando pa wordu aseptá komo yu, es ta pa nos wordu librá di nos kurpa.
24. Pasoba den speransa nos a bira salba. Awo e speransa, ku hende ta mira, no ta speransa; pasobra loke un hende ta mira, kon é kier sper' é ahinda?
25. Ma si nos ta spera loke nos no ta mira, anto nos ta sper' é ku pasenshi.
26. Y meskos e Spiritu tambe ta bin na ayuda di nos flakesanan, pasobra nos sabi kiko nos meste pidi, manera ta kunbini, ma e mes Spiritu ta pleita pa nos ku suspiro, sin palaba.
27. Y esun ku ta skudriña kurasónnan, sabi, kiko ta e pensamentu di Spiritu, pasobra e ta pidi pa e santunan segun boluntad di Dios.
28. Y nos sabi, ku tur kos ta traha huntu na bon eksito pa esnan, ku ta stima Dios, es ta. esnan ku ta yama segun su propósito.
29. Pasobra esnan, ku El a konose promé, El a predestina tambe pa ser igual ku imagen di su Yu, pa é ta e prome nasi den hopi rumannan.
30. Y esnan, ku El a predestina, esakinan El a yama tambe; y esnan, ku El a yama, esakinan. El a hustifika tambe, y esnan ku El a hustifika, esakinan El a glorifika tambe.